

素

園


石

譜


素園石譜卷之二

靈璧石


雲間林有麟仁甫輯




孝 獨 出 平



式品對支止西
 難原出子后貌
 靈龍光朝和其
 轉回於所席






有水巖屏



共色澄碧長七八寸
多峰巒洞壑雖當
燥暑蒼潤欲滴聲
極清越

此石能斂香室閣中
有之香雲終日不散





雲卿

三卷三

五
峯

崔中丞所
藏
之
有
聲



宿州靈璧縣地名磬山石產土中歲久穴深數丈得之巖窟者清潤扣之鏗然有聲石底多漬土不能盡去者度其頓放即爲向背或一面或二面若四面全者從土中生起凡數百之中僅得一二亦一二丈許峯巒嵌空又一種石理璘踈若胡桃殼紋其色少黑高一二尺小者尺餘或如拳大陂陀拽脚如大山勢鮮有高峯但不宜風日露處日久色白聲亦隨減間有細白如

玉者有臥沙不起峯者亦無巖岫所謂狀如眠
牛峯如菖菡無稜角峭麗此爲上品聞能收香
齋閣中有之香雲終日不散假者多以太湖石
染色刀刮成屑又云產于鳳凰山以大爲貴花
石崗所棄者

構李項氏靈壁石一座長二尺許色青潤聲亦
泠然背有黃沙文一帶峯巒皆雋下金填刻字
云宣和元年三月朔日御製御書其下押一字

張正見賦

連山蔽虧巨石欽崎上興雲而蔚蒼下激水而
推移舒丹霞於九折混白露於三危鎮方城於
濮水固天闕於湯池開五嶽之靈圖集九老之
仙都韜神弓於射的產利劍於昆吾魚躍湘鄉
之水雁浮平固之湖隨山鵲之金印碎驪龍之
寶珠奄藹披衣氤氲翠微精衛取而填海天孫
用以支機隨西王而不落傍東武而俱飛


蘇味道詠

濟北甄神貺河西濯瑞文
聲應天池雨影觸岱宗雲
雁歸猶可候羊起自成群
何當掘靈髓高枕絕囂氛

王弼州題

有石高僅尺宛爾巫山同
許借從吾弟移來仗小童
雨垂青欲滴雲過碧爭雄
安得壺公引輕身住此中

瑪瑙石




黃龍府山石中產栢枝瑪瑙石色甚瑩白上如
栢枝或黃或黑甚光潤頃年白蒙亨奉使北虜
主遺以一石大如桃上有鴿鴒如豆許棲栢枝
上頗奇怪又有一種多中虛瑩徹如粟大可貯
細藥數百粒

平泉石

蜂駢仙掌出
鑿城彩門開

有道



平泉石出自閩中考之李德裕平泉莊記艸木
花石之美其石產水中每獲一奇者皆鐫有道
二字穎昌杜欽益家蓄一石雙峯高下有 道
挺然長數尺無嵌空巖竇勢甚質不露圭角磨
礱光潤而青堅石罅中鐫有道二字

潘碧石




婺州東南縣之五里有涵碧池唐令尹于興宗
得其勝槩鑿池而瀑布泉有二十大石魚置沼面
魚之前有石一塊高二尺許嶮巖可觀石之半
間凹然如掌羅江東昔避地著書嘗以爲研好
事者每往游覽劉禹錫有詩在集中




襄安石

二卷九

林梢遺照



木末餘霞



延祐四年張雲莊于懷安山中得石如版者二
文理類林薄根株柯葉毫分縷析高下鬱然微
有丹點朱痕隱見其上遂名其一曰林稍遺照
一曰木末餘霞系之以歌

懷安山高去天尺巖壑尋常煙霧黑豐隆力盡
扶不開中有神君瀉秋色老寬走避營丘潛關
仝愁絕郭熙泣物生應亦憤太專故奪英華發
之筆塗雲爲葉虹爲柯所托雖殊生意一高者


如巨人傲鬼不可即低者如始孩頭角已岐嶷
繁如秦擁百萬兵疎似周釐十二國何年龍虎
遺大還數點和烟墮空碧嘗許真宰元無心以
此推窮知未必無爲群木陰歟透三生石老蚌
曾食明月光火鏡能褫太陽魄莫靈兩曜彼尚
侵野外蒼枯誰復惜不然擲得面目真自本而
稍一無忒怪禽欲止還周章獐獸驚看爲辟易
天生神物豈偶然出示終當需有識我來適值

春色闌紅雨滿空塵不濕綠道方謳吟披荒見
奇蹟笑携元氣歸袖裏東海窄呼童汲沆瀣老
手自磨拭黃雲卷盡挂露卅斜日欲沉霞散赤
麗水休汰金荆山莫搜壁政爾苦索居邂逅得
莫逆明牕撫玩清晝閑却顧龍沙永爲客緬思
穹壤間二氣互消息萬象從發生不作宋楮刻
如何此段奇直欲毫髮析無聲詩句誰可續照
坐白虹影搖壁雲母祇足俗眼遮錦帳何曾奇

禍隔梅花卷月坐臥俱未許閑愁闌我室第恐
夜半六丁排闥入

透月巖

蒼璣



王子過
鮮伯之


居有奇石銳上而豐下百竅洞達大者爲
巖小者爲竇聳者爲岑絡者爲脉內外瑩潔渾
然天成如筆峯半圭高插雲表名爲透月巖

王秋澗


偶到君家思適然一峯奇石墮吾前千金欲買
初無價百穴潛通小有天石露透香滋碧潤月
娥含影愛幽妍從今紫翠芙蓉夢不到齊州落
照邊

常山石

霜
錦



清標空而雪
幽軒古而烟



衢州常山縣思溪又地名石洪或云空字石出水底側垂倒生如鍾乳襍以沙泥不相連接人採必須車戽水深甚難得之或大或小不踰數尺奇巧萬狀多是全質每一石則有聯續尖銳十數峯高下峭拔嵌空全然大山氣勢亦有如拳大者又有巉巖嶮恠巖竇中出石筍或欹斜纖細互枉之勢蓋生溪中爲風水冲激融結而成奇巧之狀又有峯巒聳秀洞穴委曲相通底

坐透空堪施香燼若烟雲縈遶亂峯間一種深
青石理如倒絲捫之輒隱又一種清滑或似礪
末刷治而然率皆溫潤扣之有聲間有質朴全
無奇巧勢者亦堪珍玩

陰鏗咏

天漢支機罷仙嶺博基餘零陵舊是燕昆池本
學魚雲移蓮勢出苔駉錦紉還當穀城下別
自解兵書

蒼劍石


朝霞倒影



峯駢禮南也
群折新門開



鑽雲壙



早現奇

此石出越府林君叔大蓄奇石脩勁秀特植置
草堂前

柳道傳

誰爲龜枿興雲吐霧誰爲底柱截波東注誰戮
防風骨骼撐拄有植之脩非箕非敵不鉢而廉
不窾而竄如英璫瑤如玉櫺具旣庭旣直亦峻
亦武字之蒼劍以配寶璐使鎮郊筵百神爾主
明德惟馨式穀是與

山玄膚

平旦夢夢

尸輪常得酒峰
呂岩岬嵯巖葉
翳雲



叢桂蒼生美客頻
尺子蜂神游萬里
望塵



玉芝朶



斷雲角



孟辨獲石聚寶山間製爲山玄膚玉芝朶圖
雲角三石其友王蒙先生圖而銘之宋景濂爲
之詞曰

山玄膚割紫莖星質魄石抱腴蒼水使者佩失
琚山鬼環守目睢盱內藏一升白龍酥餐之凌
霞躡雙鳧迅八極遊清都山玄膚玉爲徒玉
芝朶自天墮暈翠霞裁猗儺煅以九陽真瀕火
有聲泓噌玉之瑳不學三秀脆而夥韓終欲撻

意仍叵青鳥傳信以需我王芝朶青婧婧斷雲
角鬼斧琢秀稜稜文斲斲霓旌難攀泝寥廓手
折祥氤縻一握尚帶蛟龍氣旁魄神毋變幻資
橐籥上衝牛斗香如濯斷雲角鎮書幄

東坡咏

空堂明月清且新幽人睡息來初勻了然非夢
亦非覺有人夜呼祈孔賓披衣相從到何許朱
欄碧井開瓊戶忽驚石上堆龍蛇玉芝紫筍生

無數鏘然敲折青珊瑚
味如密藕和雞蘇
主人相顧一撫掌
滿堂坐客皆盧胡
亦知洞府嘲輕脫
終勝稽康羨王烈
神山一合五百年
風吹石髓堅如鉄

莫廷韓咏

誰向靈巖斲片雲
移來林際隔氤氲
不須更問商山曲
紫氣先從袖裏分

太湖石

峭頂蟠根



雪 積 巖 石



煙江疊嶂



李式麟同



江太湖土人取大材或高一二丈者先雕置
急水中春撞之久久如天成或用煙熏或染之
色亦能黝微有澤宜疊假山用

白香山記牛奇章司徒保釐河雒治家無珍產
奉身無長物惟東城置一第東郭營一墅精葺
宮宇是常寡徒遊息之時與石爲伍石有族聚
太湖爲甲羅浮天竺之徒次焉今公之所嗜者
甲也先是公之僚吏多鎮守江湖知公之心惟

石是好乃鉤深致遠獻瑰納奇四五年間纍纍而至公于此物獨不廉讓東第南墅列而致之有盤物秀出如靈丘鮮雲者有端險挺立如真官神人者有縝密削成如珪瓚者有廉稜銳劇如劍戟者又有如虬如鳳若跼若動若翔若踴如鬼如獸若行若驟將竦將闔風烈雨晦之夕洞穴開塏若飲雷歔歔然有可望而畏之者烟霽景麗之日巖壑靈黠若拂嵐撲黛靄靄

然有可狎而翫之者昏曉之交不可名狀石有
大小其數四等以甲乙丙丁品之每品有上中
下各刻于石陰曰牛氏石

于華氏咏

洞庭山下湖波碧波中萬古生幽石鐵索千尋
取得來奇形怪狀誰能識初疑朝家正人立又
如戰士方徂擊又如防風灰後骨又如於菟活
時額又如成人楓又如害癭柏雨過土渟泓風

卷之三
三
衆中有隙想得沈潛水府時興雲出雨蟠蛟螭
今來砢磳林亭上長恐忽然生白浪用時應不
稱媧皇將去也堪隨博望噫嘻爾石好憑依幸
有方池并釣磯小山藂桂且爲伴鍾阜白雲長
自歸何必豪家甲第裏玉闌干畔爭光輝一朝
荆棘忽流落何異綺羅雲雨飛

白樂天咏

煙翠三秋色波濤萬古聲削成青玉片截斷碧

雲根風氣通巖穴
苔文護洞門
三峯具體小
應是華山孫

和思黯相公以李蘇州所寄太湖石奇狀
絕倫因題二十韻

錯落復崔嵬
蒼然玉一堆
峯駢僊掌出
鑿坼劒
門開峭頂高
危矣根盤下
壯哉精神欺
竹樹氣
色壓亭臺
隱起嶙嶙狀
疑成瑟瑟胚
靡稜露鋒
刃清越叩瓊瑰
岌業形將動
巍峩勢欲摧
奇應

慚鬼怪靈合蓄雲雷黛潤霑新雨斑明點古苔
未曾棲鳥雀不肯染塵埃尖削琅玕筍窪剡瑪
瑙疊海神移碣石畫幃簇天台在世爲尤物如
人負逸才渡江一葦載入洛五丁推出處雖無
意升沉亦有媒拔從水府底置向相庭隈對稱
吟詩句看宜把酒杯終隨金礪用不學玉山頽
疎傳心偏愛國公眼屢迴共嗟無此分虛管太
湖來

楊六尚書留太湖石在洛下借置庭中寄

贈絕句

借君片石意何如
置向亭中慰索居
每就玉山傾一酌
興來如對醉尚書

画烟江疊嶂圖東坡作詩咏之

太湖嵌空藏洞宮
槎牙石角生淪中
濤波投隙漱且啗
歲久缺罅深重重
水空發聲夜鏗鏘
中

有晴江烟障疊誰歟斷取來何時山客自言藏
奕葉江上愁心惟畫圖蘇仙作詩画不如當年
此石若並世雪浪仇池何足書我無俊語對巨
壺欲定等差誰與議直湏具眼老香山來爲平

事作新記

交州后

舉詳提原

應請加半查



山東兗州府鄒縣嶧山洞府玲瓏巖竇峻峭採
置石傍可供清玩然無斧鑿痕者爲貴難得佳
者

李德裕咏

雞鳴日觀望遠與扶桑對滄海似鎔金衆山如
點黛遙知碧峯首猶立煙嵐內此石依五松蒼
蒼幾千載

不遠而來



重巒出兮嶺嶺出
精金間而玉柄出
侯縣乎固元山情

奎章閣有奇石名世石上鐫奎章玄玉四字

虞青城詠

禹貢收浮磬堯階望喬雲自天承雨露拔地起
網緇擊拊磬音合衡從玉兆分巨鰲三島力威
鳳九苞文辨位資軋坎爲山填幅員固知興寶
藏不假運神斤書帙侵春潤香爐借宿薰煙光
晴冉冉波影晝沄沄融結繇元化登崇荷聖君
于龜出洛重若鼎來汾柱立尊皇極磐安廣

帝勛詎云陳秘玩因願獻前聞

蘊江石



此石音辭
蘊江石

鎮江府有石一株勢如掀舞色紺而澤奇物也
上有刻字云有唐上元甲子歲潁川陳良參獲
此石置西齋之前銘曰峩峩峩峩蒼翠其多是
稟混元非因琢磨置於庭隅公退常過疑乎乃
身居嵩之阿後日來者見茲石何其後又有宋
人刻字云皇宋治平丙午歲仲夏晦日令掌文
記於壤垣得之立於此後爲都統王侯勝所得

茶石



雲生翔水野






真陽英德縣間石產溪水中，有數種：一微青色，間有白脉，一微灰黑，一淺綠，各有峯巒嵌空，質少潤，扣之有聲。一種色白，四面峯巒聳拔，多稜角，瑩徹有光，扣之有聲。採之人就水中奇巧處鑿之，東坡獲二石：一綠，一白，亦曰爲仇池。此石如銅鑪，倒生巖下，以鋸取之，故底平起，高二三寸，亦可作几案，奇玩色黑潤者可愛。

陸文裕銘

萬仞雖巍一簣攸始咫尺之間乃有千里叢桂
招隱淮南逸矣漱石枕流子荆可起卓哉靜壽
爲仁不已我銘斯徵茲道甚邇

醒石
醉石



李德裕于平泉採天下珍木怪石爲園池之玩
有醒酒石德裕尤所寶惜醉即踞臥其上一時
間即清爽至五代張全義傳云唐莊宗時爲太
師尚書令命兼四鎮節度使有監軍司轄嘗得
平泉醒酒石德裕孫延古托全義求復監軍忿
然曰自黃巢亂後洛陽園池無復能守豈獨平
泉一石哉全義嘗在巢賊中以爲譏已大怒答
殺之

又平泉醒酒石昔爲玉清昭應宮所取昭應焚
蕩仁廟裂其地賜濮潞渾越韓冀六王冀王之
子丹陽郡王守節得其園地發土得巧石前後
幾千塊多有駭世者惟醒酒石爲第一上有刻
文云韞玉抱清輝閑庭日瀟洒魄然天地間自
是孤生者紹聖中有旨輦此石歸禁中築月臺
後卅陽裔孫密訪醒酒石所在云今置宣和殿
中矣

陸文裕銘

昔以醒酒今以醒心難如蜀道勝比山陰

莫廷韓咏

沈酣寄情真片石亦名醉谿風吹不醒山月照
清森惟應劉公榮箕踞日相對

陶淵明所居東里有大石淵明常醉眠其上名
之曰醒石


湖口石




屢氣通居內
皆文護洞門



湖石



居氣通居內
皆不護洞門



石支



青色混然成峯巒巖壑或類諸物狀一種匾薄
嵌空穿眼通透幾若木板如利刀剗刻之狀石
理如刷絲色亦微潤扣之有聲土人李正臣蓄
此石大爲東坡稱賞目之爲壺中九華有百金
歸買小玲瓏之語

米芾知無爲軍初入州廨見立石頗奇曰此足
當我拜呼曰石丈

王弇州咏

戍削風稜無媚姿主人瞻拜且冠衣乍可鬱林
將壓載那容漢女作支機

莫廷韓咏

忽尋蒼翠深巉巖立孤石藉爾白玉姿對此青
霞客

峽嶺石

五色水浮
見廟潭左
傳出異挂
龍閣煉電
痕下震澤
蟲織化闔
諧門



一石絕似太峨正峯名曰小峨嵋東坡嘗以名
廬山恐不若此石之逼真也范石湖作詩以記
之

三峨參差大峨高奔崖側勢倚半霄龍跼虎臥
起且伏旁睨洙水沱江朝禹從岷璠過其下莫



山著藉稱雄豪告成歸來兩階舞泗濱錫貢儀
九韶攬觀此石三歎息彷彿蜀鎮俱岩峩惜哉
拊擊墮箕虞輦送淮海還山椒降商訖周謹呵
護磬氏無敢加鐫雕劉項蝸爭閑靈壁血漂川
谷流腥臊水官恐此被染浣氈包席裏吳中逃
市門大隱閱千祀苔衣塵網薶孤標尤物顯晦
定有數昨日惠顧不待招我昔西遊踏禹蹟暑
宿光相披重貂十年景落臥遊夢摩娑壁畫雙

鬢凋天憐愛山欲成癖特設奇供慰寂寥恍然
坐我寶巖上疑有太古雪未消嵌根巖積巧入
妙峯頂箕踞貴不驕爐烟雲浮布銀界隙日虹
貫凝金橋其時歲杪臥衰疾健起放杖驚兒曹
龍鍾遠園喜折屐龜手拂拭寒侵袍太湖未暇
商甲乙羅浮天竺均鴻毛小我之名神所界永
與野老歸漁樵作詩紀我得石友且以併賞茲

瓊華石

中 麟




瓊華石之堅白而奇異者也曹南吳君主一寓

于洪名其室曰好古人以是石遺之

君珍而置之室外因名

瑤華云是石高僅只尺蘭芷青青交映可愛其
爲質如玄圃良玉溫潤自然其爲狀如雪山蘄
巖望之凜栗扣之聲鏗然則又如天球之戛而
清越殊於衆音也吳君甚珍愛之

錦紋石



棘寺解舍有怪石棄置溝中因復昇真臺端高
四尺許兩峯角立一竅中通錦紋粲然且瘦且
漏誠石中佳品天壤奇物也吳思庵系之以詩
草沒苔侵幾歲寒年來移得近臺端兩峯角立
錦紋綳一竅中通玉竇寬不用品題標甲乙祇
須謁拜具衣冠公餘坐對心無轉留鎮清臺久
遠看

濃州石

萬壑飛雲斷崖積
雲岫 = 吐煙霧
芥瑤瑤



澧州石產土中磊塊而生大者尺餘亦有細小者率多嶮怪巉其質爲沙泥積漬費工刷治石理遍若鋪絲捫之隱手青白稍潤間有白脈籠絡可攜作假山頗類雁蕩諸奇峯

米南宮得一石青翠疊石堅響三層傍一硯嵌磨墨上出一峰高尺餘頂復平嵌巖如亂雲四垂以覆研以水澤頂則隨葉垂珠滴研心上乃歷代所寶也

碧玉遠峰

蘭渚沾新雨
飛明點古苔



金華先生有奇石名碧遠峯携來自蜀中其山
形聯翩若九疑之狀錫山陳公以詩覓之金華
撤所嗜以贈亦一奇事也

王梅溪咏

二公心古貌清癯趣在林泉世味疎寸碧來從
錦江遠九疑分向錫山居山中丘壑奴金谷筆
下波瀾陋石渠我有千峯藏屣蕩一擎天柱插
空虚

雪竇石

蒼藤



大理府點蒼山去郡五十里山麓內產異石峯
巒重疊色青黑堅潤山尖陂陀多白質如積雪
間出一石可五六寸不假雕琢自成山勢謂之
秦嶺積雪妙奪造化


崔仲方詠

玉繩隨月落金碑映日鮮入江疑濯錦出峽似
開蓮文馬河西瑞兵符濟北篇會逐靈槎上還
歸天漢邊

梅霞石



朱輝已
琴瑟
韻而
芳波
二



至正間錢惟善先生遊江左獲奇石峯巒秀潤
上有古篆文曰栖霞心異之作供几上每神遊
其間便有世外之想因倣東坡居士雪浪齋故
事名其室曰栖霞山房勒銘壁中永標奇賞詞
曰

九華烟霞五老冰雪縹緲飛來幻形嶮巖光吞
玄圃氣掩赤城移鎮丘壑式耀軒楹旣來僊靈
亦集真侶絳綵朝餐紫英夕茹山人久視居士

長生俯仰一室逍遙太清